

««Սննդամթերքի անվտանգության պետական վերահսկողության մասին» օրենքում փոփոխություններ և լրացումներ կատարելու մասին», ««Կերի մասին» օրենքում լրացում կատարելու մասին»

ՆԱԽԱԳԻԾ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆԵՐ**

«ՍՆՆԴԱՄԹԵՐՔԻ ԱՆՎՏԱՆԳՈՒԹՅԱՆ ՊԵՏԱԿԱՆ ՎԵՐԱՀՍԿՈՂՈՒԹՅԱՆ ՄԱՍԻՆ» ՕՐԵՆԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱԾՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Սննդամթերքի անվտանգության պետական վերահսկողության մասին» 2014 թվականի հունիսի 21-ի ՀՕ-143-Ն օրենքի (այսուհետ՝ Օրենք) 2-րդ հոդվածի 1-ին մասի՝

1) 5-րդ կետում «պիտանիության ժամկետին,» բառերից հետո լրացնել «սննդամթերքի հիգիենային ներկայացվող պահանջներին» բառերը.

2) 20-րդ կետը շարադրել հետևյալ խմբագրությամբ.

«20) **անվտանգությունը հիմնավորող ուղեկցող փաստաթուղթ՝** անասնաբուժական սերտիֆիկատ, անասնաբուժական վկայական, անվտանգության սերտիֆիկատ, առողջության սերտիֆիկատ, որակի և անվտանգության կառավարման համակարգի սերտիֆիկատ, բուսասանիտարական հավաստագիր, համապատասխանության հայտարարագիր, պետական գրանցման վկայական»

3) լրացնել հետևյալ բովանդակությամբ 20.1-ին և 22-րդ կետերով.

«20.1) **վերահսկվող ապրանքների ներմուծման, (արտահանման) և տարանցիկ փոխադրման թույլատվական փաստաթղթեր՝** անասնաբուժական սերտիֆիկատ, բուսասանիտարական հավաստագիր, անվտանգության սերտիֆիկատ, առողջության սերտիֆիկատ, օրգանական գյուղատնտեսական սննդամթերքի համապատասխանության սերտիֆիկատ, համապատասխանության տեղեկանք, բուսասանիտարական կարանտին հսկողության (վերահսկողության) ակտ, պեստիցիդների ու ագրոքիմիկատների եզրակացություն.

22) **սննդամթերքի անվտանգության, անասնաբուժության և բուսասանիտարիայի ոլորտներում ազգային ռեֆերենս լաբորատորիա՝** ազգային և միջազգային հավատարմագրում ունեցող Հայաստանի Հանրապետության օրենսդրությամբ սահմանված կարգով սննդամթերքի անվտանգության, անասնաբուժության և բուսասանիտարիայի ոլորտներում ռեֆերենսային գործառույթներ իրականացնելու համար լիազորված փորձարկման լաբորատորիա:»:

Հոդված 2. Օրենքի 2-րդ հոդվածի 2-րդ մասի՝

1) 9-րդ կետից հանել «բույսերի պաշտպանության միջոցների, պարարտանյութերի,» բառերը.

2) լրացնել հետևյալ բովանդակությամբ 9.1-ին կետով.

«9.1) կերային հավելումների ռեեստրի վարումը.».

3) 10-րդ կետում՝ բույսերի պաշտպանության միջոցների և պարարտանյութերի» բառերը փոխարինել «պեստիցիդների և ագրոքիմիկատների» բառերով, իսկ «ներմուծման» բառից հետո լրացնել «,արտահանման» բառը:

Հոդված 3. Օրենքի 5.1-ին հոդվածի 1-ին մասում «համապատասխան» բառը փոխարինել «Էկոնոմիկայի» բառով.

Հոդված 4. Օրենքի 5.2-րդ հոդվածի 3-րդ մասի՝

1) 6-րդ կետում «թույլտվություն,» բառից հետո լրացնել «թույլատվական փաստաթղթեր» բառերը:»:

2) 32-րդ կետից հանել «բույսերի պաշտպանության միջոցների, պարարտանյութերի,» բառերը.

3) 33-րդ կետն ուժը կորցրած ճանաչել:

4) լրացնել հետևյալ բովանդակությամբ 35-րդ կետով.

«35) իրականացնում է կերային հավելումների ռեեստրի վարումը.»:

Հոդված 5. Օրենքի 6-րդ հոդվածի 3-րդ մասի 1-ին կետում «կանոնների պահպանման» բառերից հետո լրացնել «սերտիֆիկացված որակի կառավարման համակարգերի» բառերը.

Հոդված 6. Օրենքի 7-րդ հոդվածի 3-րդ մասում. «որին նշանակում է Կառավարությունը» բառերը փոխարինել «որին լիազորություն տրվում, կասեցվում և դադարեցվում է Կառավարության սահմանած կարգով» բառերով:

1. Սույն օրենքն ուժի մեջ է մտնում պաշտոնական հրապարակման օրվան

հաջորդող տասներորդ օրը:

2. Սույն օրենքի ընդունմամբ պայմանավորված ենթաօրենսդրական իրավական ակտերն ընդունվում են սույն օրենքի ուժի մեջ մտնելուց հետո՝ երեք ամսվա ընթացքում:

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆԵԸ

«ԿԵՐԻ ՄԱՍԻՆ» ՕՐԵՆԵՐՈՒՄ ԼՐԱՅՈՒՄ ԿԱՏԱՐԵԼՈՒ ՄԱՍԻՆ

Հոդված 1. «Կերի մասին» 2014 թվականի հունիսի 21-ի թիվ ՀՕ-141-Ն օրենքի (այսուհետ՝ Օրենք) 5-րդ հոդվածի 1-ին մասը լրացնել հետևյալ բովանդակությամբ 11.1-ին կետով.

«11.1) կերային հավելումների պետական գրանցման կարգի հաստատումը.».

Հոդված 2. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը: